

Nun werden allhier angezeigt vnderschiedtliche arten der
Massæ oder Teig/ darauß man jehogedachtes Giffte widerstendigs
Amuletum oder Schiltlein / so Zenexton genennet/
gegen die Giffte/ constelliret bereiten soll.

Nimb von den in der Luffte gedörreten vnd gepuluerisirten Krotten/
zwo unzen/ weissen vnd rohten Arsenici jeglichs ein halb unzen / Tor-
mentillenwurzel/ Diptamwurzel/ Breitwegerichwurzel/ Angelic wur-
zel/ jedes ein halb loth/ vngelöcherte Perlen/ ein quintin/ rohte Corallen/
anderthalb quintin/ Hiacinthen vnd Schmaragte/ jeglichs ein halb quens
ein/ des besten Saffrans zwene Scrupel, alles auffß subtiliste gepulueri-
siret vnd impastire es mit resoluirten Gummi Tragachanto, mache
Schiltlein darauß in orts Thalers größe in gestalt eins Herzkleins/ oder/
wie dir es gefelt/ vberzeuch oder vernehe es mit rohten Zindel oder Kardes-
cken.

Aliud.

Nimb von denen in der Luffte gedörreten vnd gepuluerisirten Krot-
ten/ ein loth/ weissen Arsenici ein quintin/ rohten Arsenici zwey Scrupel,
Diptamwurzel/ Tormentilwurzel/ jeglichs zwene Scrupel, vngelöcher-
te Perlen ein Scrupel, rohte Corallen / des besten Orientalischen Saff-
rans/ jeglichs zwölff gran/ auch mit geresoluirten Gummi Tragachant.
zum pastæ gemacht/ vnd Schiltlein darauß gemacht/ wie gesagt.

Ein anders.

Nimb Saphire/ Schmaragte / Hiacynthen, Rubin/ rohte vnd
weisse Corallen/ jegliches ein loth/ des besten Saffrans/ anderthalb quin-
tin/ vngelöcherte Perlen ein halb loth / weissen Arsenici ein loth/ Auri-
pigmenti oder rohten Arsenici zwo unzen/ Hirschhorn/ zwischen zweyer
Frawen tagen geschlagen vnd wol gebrandt/ ein loth/ der wolriechenden
Biolwurzel/ so fein trucken zwo unzen/ Ambraë Griseæ ein quintin/ ab-
les gar subtil pulverisiret/ wol vnter einander gerieben/ vnd mit geklopffte
Eyers